

ՀԱՄԱՏԱՅԵԱԼԻՆ ՎԱՐՁՔԸ

Անկասկած, որ դժուար է այս դարու մանաւանդ այս երկրին մէջ, հաւատ ունենալ եւ գործել: Սակայն խնդրողին պիտի տրուի (Մտ.7.7):

Եթէ մենք առանց երկմտելու աղօթեմք մատուցելու եւ խնդրեմք, որ մեզ գորացնէ մեր հաւատքին մէջ, Աստուած պիտի լսէ մեր աղօթքը:

Եւ այս բոլորին փոխարէն, սիրելի հաւատացեալ բոլորք եւ եղբայրներ, Աստուած առատօրէն պիտի վարձատրէ մեզ:

Նոր կտակարանին մէջ յաճախ Աբրահամի անունը յիշուած է իբր օրինակ գորաւոր հաւատքի:

Յակոբոս առաքելի Ընդհանրական նամակին մէջ կը կարդանք. «Աբրահամ Աստուծոյ հաւատաց, ու այն իրեն արդարութիւն սեպուեցաւ եւ ինք Աստուծոյ բարեկամ կոչուեցաւ» (Յակ. Ընդ. Բ. 23): Աբրահամ Աստուծոյ բարեկամ կոչուեցաւ: Արդեօք ասկէ աւելի մեծ վարձատրութիւն կարելի է երեւակայել: Արդեօք կա՞յ մէկը, որ չի փափաքիր Աստուծոյ բարեկամը ըլլալու շնորհքին արժանանալ:

Մենք բոլորս ալ, սիրելի հաւատացեալներ, կրնանք Աստուծոյ բարեկամը ըլլալու շնորհքին արժանանալ, եթէ հաւատ ունենանք եւ մեր գործերով գորացնենք մեր հաւատքը՝ ինչպէս ըրաւ Աբրահամ:

Աղօթեմք առ բարձրեալն Աստուած, որ Սուրբ հոգիով լեցնէ մեզ, որպէսզի գորանանք մեր հաւատքին մէջ եւ մեր գործերով կենդանի պահենք մեր հաւատքը, որպէսզի կարենանք Աստուծոյ բարեկամը ըլլալու շնորհքին արժանանալ:

ԼՈՒՍԱՐԱՐ

Առօրեայի ընթացքին եկեղեցական գանազան սպասներու մաքրութեամբ զբաղող եւ յատկապէս եկեղեցական արարողութեանց՝ անմիջական դաստիարակման կատարող եւ իր կարեւոր ներդրումը բերող անձն է լուսարարը:

Լուսարարին հիմնական պարտականութիւնն է ամէն առաւօտ կանթեղներուն ձեռք լեցնել եւ պատրոյզները փոխել, Ս. Սեղանին Ատենի գրակալին երկու կողմերը դրուած աշտանակներուն մոմերը փոխել, Աւետարանի ընթերցումէն առաջ գրակալը դնել, Աւետարան կարդացող եկեղեցականին շուրջառ տալ, եպիսկոպոսներու ներկայութեան փոքր գորգը անոնց ոտքերուն տակ փոխել, Մկրտարանը ամէն մկրտութենէն ետք մաքրել, Զախակողմեան աւանդատան մէջ կրակը միշտ խնկանոցին մէջ պատրաստ պահել, շուրջառներն ու փիլոնները լաւագոյնս ծալուած եւ դաստիարակուած պահել եւ դեռ բազմապիսի նմանօրինակ այլ պարտականութիւններ, որոնք կը կատարուին լուսարարին կողմէ, ներդաշնակելով եկեղեցւոյ արարողութեանց հեզասահ ընթացքը:

Լուսարարին դերը շատ կարեւոր է եկեղեցական մեր կեանքին մէջ, յատկապէս լուս օրերուն, երբ դպիրներու բացակայութիւնը զգալի կ'ըլլայ ինքն է, որ սաղմոսներն ու ֆարոգները կը կարդայ, բուրվառ կ'ընէ եւ կը մատուցէ իր անմիջական ծառայութիւնը արարողութեանց ընթացքին:

Լուսարարներ պարտին, նաեւ...
Շարունակելի

ՀԱՍՅԷ.

ՃՐԱԳ ՇԱԲԱԹԱԹԵՐԹ - ԱԶԳԱՅԻՆ ԱՈՒԱԶՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 -Tel/Fax:01-258300- facebook-ի էջ jcrak ճրագ քերթ



ԸՈՒ ԽՕՍԵՂ ԽՄ ՈՏԵՐՈՒՄ ԵՌԱԳ Է ՈՒ ԽՄ ՇԱԽՂՆԵՐՈՒՄ ԼՈՅՍ (Ս. 119-105)

ԺԴ. ՏԱՐԻ

ԿԻՐԱԿԻ, 12 ՍԵՊՏԵՄԲԵՐ 2021

ԹԻՒ 37

ԿԻՐԱԿԻ ՕՐԵՐՈՒ ԱՍՏՈՒԾԱԸՆԶԱԿԱՆ ԸՆԹԵՐՑՈՒՄՆԵՐ
Եւ. 49. 13-23: Գղ. 6. 14-18:
ՅԻՍՈՒՄ ՔՐԻՍՏՈՍԻ ԱՒԵՏԱՐԱՆԸ ԸՍՏ ՅՈՎՀԱՆՆԷՍԻ 3.13-21

ՏՕՆ ՎԵՐԱՑՄԱՆ ՍՐԲՈՅ ԽԱԶԻՆ

ՅԻՍՈՒՄ ՔՐԻՍՏՈՍԻ ԱՒԵՏԱՐԱՆԸ ԸՍՏ ՅՈՎՀԱՆՆԷՍԻ 3.13-21

Ոչ որ երկինք ելաւ բացի մարդու Որդիէն, որ իջաւ երկինքէն, ուր կը գտնուէր: Եւ ինչպէս, որ Մովսէս պղնձեայ օձը բարձրացուց անապատին մէջ, նոյնպէս ալ պէտք է Մարդու Որդին բարձրանայ, որպէսզի անոր հաւատացողը յաւիտենական կեանք ունենայ: Որովհետեւ Աստուած այնքան սիրեց աշխարհը, որ մինչեւ իսկ իր միածին Որդին տուաւ, որպէսզի անոր հաւատացողը չմեռնի, այլ՝ յաւիտենական կեանք ունենայ: Որովհետեւ Աստուած իր Որդին աշխարհ դրկեց, ո՛չ թէ որպէսզի Որդին աշխարհը դատապարտէ, այլ՝ որպէսզի աշխարհը փրկէ: Ով, որ կը հաւատայ անոր՝ չի դատապարտուիր, իսկ ով, որ չի հաւատար անոր, արդէն իսկ դատապարտուած է, Աստուծոյ միածին Որդիին չհաւատալուն համար:

Եւ դատապարտութիւնը այս է: Հակառակ անոր, որ լոյսը աշխարհ եկաւ, մարդիկ խաւարը լոյսէն աւելի սիրեցին, որովհետեւ չարութիւն կը գործէին: Ով, որ չար գործ կը կատարէ, կ'ատէ լոյսը եւ լոյսին չի գար, որպէսզի իր գործերը չյայտնուին: Սակայն ով, որ կը կատարէ ինչ, որ ճշմարիտ է, լոյսին կու գայ, որպէսզի յայտնի ըլլայ, թէ իր գործերը Աստուծոյ կամքին համաձայն գործուած են:

Կրնա՞ք մեյի բացատրել հայկական խաչի չեփն մասին

Այո: Հայկական Խաչը միշտ դատարկ կը ներկայացուի եւ անոր վրայ չենք հանդիպիր խաչուած Քրիստոսին: Ինչո՞ւ: Որովհետեւ այդպիսով մարդիկ ուզած են խորհրդանշել Քրիստոսի յաղթանակը մահուան առջեւ:

Հայկական խաչերը, երբեմն կը ներկայացուին զարդարուած, խաղաղ, տերեւներով եւ ցորենի հասկերով: Ասոնք կը խորհրդանշեն կեանքը, որ ծնունդ կ'առնէ խաչէն, որ այլապէս մահուան ծառայող գործիք մըն էր:

ՏՕՆ ՎԵՐԱՅՄԱՆ ՍՐԲՈՅ ԽԱՉԻՆ



Ամեն տարի, Սեպտեմբեր 11-ի եւ 17-ի միջեւ գուգադիպող Կիրակի օրը, Հայաստանեայց Եկեղեցին կը յիշատակէ իր հինգ տաղաւարներէն մէկը՝ Խաչվերացը: Ինչպէս անունը կը պարզէ Խաչվերացը հայ ժողովուրդին սիրելի խորհրդանիշ դարձած խաչին նուիրւած տօներէն մէկն է:

Խաչի նուիրուած Խաչվերացի տօնը Խաչը փառաբանելու, Խաչը հպարտութեամբ վեր բարձրացնելու տօն մըն է: Այս տօնը հիմնուած է պատմական յստակ եղելութեան մը վրայ, որ տեղի ունեցած է Քրիստոնէութեան սկիզբի տարիներուն: Պատուական դրուագը հետեւեալն է.– Պարսիկները Երուսաղէմը աւերելէ ետք կը փախցնեն Քրիստոսի խաչը: Հերակլ կայսրը իր կարգին կ'արշաւէ Պարսկաստան եւ կը վերադարձնէ խաչին: Չայն վերջը կը վերադառնայ Կ. Պոլիս եւ ժողովուրդին առջեւ հպարտութեամբ բարձրացնելով՝ մուտք կը գործէ քաղաք:

Խաչը վեր առնելու այս առաջին եղելութիւնը կը վերագրուի Երուսաղէմի առաջին եպիսկոպոս Յակոբ Ա. ռաֆաիլին, որ խաչը վեր առնելով՝ օրհնեց ժողովուրդը անոր ըսելով. «Խաչի քո, Քրիստոս, երկիրպագանեմք», այսինքն՝ «Քրիստոս, Խաչիդ առջեւ կը ծնրադրենք ու կ'երկիրպագենք»:

Խաչվերացի օրը Հայաստանեայց եկեղեցիէն ներս կը կատարուի թափօր եւ Անդաստան, որուն ընթացքին օրհնութիւն եւ փառք կը տրուի Աստուծոյ իր տուած բարիքներուն եւ առատաձեռնութեան համար եւ յատուկ աղօթքներով կ'օրհնուին աշխարհի չորս ծագերը:

Աւանդութիւն է Լիբանանի թեմէն ներս Կիրակին երեկոյեան յատուկ հանդիսութեամբ կատարել Թափօր, Անդաստան եւ երեկոյեան ժամբարութիւն Ս. Քառասնից Մանականց եկեղեցւոյ մէջ:

Կը հրաւիրենք մեր հաւատացեալները այսօր երեկոյեան ժամը 5:00-ին Ներկայ գտնուելու յատուկ թափօրի արարողութեան, որ պիտի կատարուի Ս. Քառասնից Մանականց եկեղեցւոյ մէջ:

ԱՂՕԹՔ ԽԱՉԻ ԱՊԱՒԻՆՈՒԹԵԱՆ
Քու Խաչդ մեզի թող ապաւեն ըլլայ, Տէր Յիսուս, երբ որ երեսաւ Հօր փառքով՝ լուսաւոր ամպերու մէջ: Այն ժամանակ, մենք չենք ամչնար՝ քեզ հաւատացողներս, այլ Քու մեծ գօրութեամբ կ'ուրախանանք, Քու աչ կողմդ, իբրեւ լուսոյ որդիներ, իբրեւ ցերեկուայ որդիներ: Ամէն:

ՀՈԳԵՒՈՐ ՊԱՏԳԱՍ

ԱՍՏՈՒՄԾ Է ՀԻՒՆՄԻՆԵՐԸ ԲԺՇԱՊԸ

Երկու հաստատումներ եւս:

1) Երբ Յիսուս երկրորդ անգամ ըլլալով դպաւ կոյրին աչքերուն, ան սկսաւ ամէն ինչ յստակ տեսնել: Նկատելի է սակայն, որ առաջին անգամ Յիսուս թուրով թրջեց անոր աչքերը եւ ապա ձեռքով դպաւ աչքերուն, իսկ երկրորդ անգամ, թուր չգործածեց, այլ՝ պարզապէս ձեռքերը դրաւ աչքերուն վրայ, սորվեցնելու համար իրեն եւ մեզի, թէ թուրը չէր, որ զինք բուժեց, այլ իր ձեռքին բժշկարար հպումը:

2) Երբ Յիսուս տեսաւ, որ կոյրին աչքերը առաջին հպումով չբացուեցան, երկրորդ անգամ դարձեալ դպաւ աչքերուն, որպէսզի յիշեցնէ մեզի, թէ երբ ինք գործ մը սկսի, զայն իր աւարտին կը հասցնէ յաջողութեամբ, եւ կը սորվեցնէ մեզի նոյնը ընել:

ՄԵՐ ՍՈՐՎԵԼ ԻՔ ՀՈԳԵՒՈՐ ԴԱՍԸ

1) Ինչպէս Յիսուս թուր գործածեց բայց բուժումը իրմէ էր, այնպէս ալ բժիշկները դեղ կը գործածեն, բայց բուժումը Աստուած է որ կու տայ:

2) Երբ գործի մը ձեռնարկենք եւ շուտով արդիւնք չքաղենք կամ արգելքներու հանդիպինք՝ յուսահատինք, այլ՝ յարատեւենք գործի մէջ:

ԵՅԷ ԿԱՍ ԵՐԲ ԿՈՒՉԵՍ...

ԱՂՕԹՔ Ս. ՅԱՂՈՐՈՒԹԻՒՆ ՍՏԱՍԼԷ ԵՏԸ

Դու, որ մեր տկար բնութեան փորձառութիւնը ունեցար, ո՛րք մեր Քահանայապետը՝ Յիսուս, քեզի կը նային: Դու, որ մեզի համար մեղքի պատարագ եղար, որպէսզի մենք քեզի համար արդար ըլլանք: Դու, որ մեզի համար երկրաւոր եղար, որպէսզի մենք քեզի համար երկնաւոր ըլլանք: Դու, որ մեզի համար Հաց եղար, որպէսզի մենք քեզ քաշակելով սրբուինք: Տո՛ւր վիշտերով լեցուն քու Մարմինդ, որպէսզի բոլոր սիրտերը քեզ քաշակեն եւ սրբուին: Մատուակէ՛ վտակի պէս կաթկթող քու անմեղ Արիւնդ, որպէսզի մարդիկ անմեղութեամբ յագեան: Երկարէ՛ փրկական խաչդ՝ այս աշխարհի ծովուն մէջ լողացողներու, մեզ վեր՝ դէպի քեզ բարձրացնելու համար:

Շնորհիք՝ կարօտ ենք, սփռէ՛, յոգնած ենք մեղանչելէ, քաւէ՛. խաւարի մէջ կը խարխափինք, քառագայթէ՛. մեր հաւատքէն տապալած ենք, հաստատէ՛: Դո՛ւն եւ յոյսը, դո՛ւն եւ յոյսը, դո՛ւն եւ կեանքը, դո՛ւն եւ քաւութիւնը, դուն ինքն եւ անմահութիւնը: Քեզի՛ կը սպասենք, քու շնորհիքդ կոթնածներս. քեզմէ՛ փրկութիւն ստանալու կարօտ ենք, քու Մարմինիդ միացածներս: Քե՛զ իբրեւ քաւիչ Քահանայ ունինք, մենք քու Արիւնովդ գնուած հօտդ: Նայէ՛ բոլորիս, սփռփէ՛ մեր տարակուսանքները քու փրկագործութեամբդ, հանդարտեցո՛ւր մեր խոռովութիւնները քու խաղաղութեամբդ, հանգստացո՛ւր մեր յոգնած հոգիները քու օթեաններուդ մէջ, ուր դուն գացիր, ո՛րք Տէր, եւ նոյնը մեզի խոստացար: Եւ արժանացո՛ւր մեզ՝ քեզի պատկանողներս, որ փառաւորենք քեզ, Հօրը եւ Սուրբ Հոգիին հետ միասին՝ յաւիտեանս: Ամէն:

Ս. ՆԵՐՍԷՍ ԼԱՍՒԲՐՈՆԱՑԻ